

- 11 Filii autem Leui: Gerson, Cehath, & Merari.  
 12 Et filii Iudei: Er, & Onan, & Selah, & Perez, & Zerah: sed mortuus erat Er & Onan in terra Canaan. Filii autem Perez erant Hezron & Hamul.  
 13 Filii vero Isaschar: Tholah, & Puuah, & Iob, & Simron.  
 14 Filii vero Zebulon: Sered, & Elon, & Iachleel.  
 15 Iste sunt filii Leah, quos peperit Iacob in Padan Aram, cum Dinah filia eius: Omnes animæ filiorum & filiarum eius triginta tres.  
 16 Filii autem Gad: Ziphion, & Haggi, & Suni, & Ezbon, Eri, & Arodi, & Areli.  
 17 Filii vero Aser: Iimnah, & Iischuah, & Iischni, & Beriah, & Sarah soror eorum: Filii vero Beriah, Heber & Malchiel.  
 18 Iste sunt filii Zilpah, quam dedit Laban Leah filia sua, & peperit istos ipsi Iacob, sedecim animas.  
 19 Filii Rachel vxoris Iacobi: Ioseph & Beniamin.  
 20 Nati vero sunt ipsi Ioseph in terra Mizraim, quos peperit ei Asenath filia Potypharae Principis On: Menasseb & Ephraim.  
 21 Filii vero Beniamini: Bela, & Becher, & Asbel, Gerah, & Naaman, Echi, & Rosch, Muppim, & Chuppim, & Arde.  
 22 Iste sunt filii Rachel, quos peperit Iacob: omnes animæ quatuordecim.  
 23 Filii vero Dan: Husim.  
 24 Et filii Naphthali, Iechzeel, & Guni, & Iezer, & Sillem.  
 25 Iste sunt filii Bilhah, quam dedit Laban ipsi Rachel filia sua, & peperit istos Iacob: omnes animæ septem.  
 26 Omnes animæ, quæ venerunt cum Iacob in Mizraim, quæ egressæ sunt de femore eius, præter vxores filiorum Iacob, omnes, in quam, animæ sexaginta sex.  
 27 Porro filii Ioseph, qui nati sunt ei in Misraim, animæ duæ. Omnes igitur animæ domus Iacob, quæ ingressæ sunt in Misraim, fuerunt septuaginta.

## EXPLANATIO.

8. **H**ÆC VERO SVNT NOMINA. Altera parte capitist extitur catalogus familiæ Iacobi, quam secum duxit in Ægyptum. Quid spectet hic Spiritus sanctus, monebo postea: ubi prius salebras quasdam apparentes in textu expedilero. Recenset Moses, ut fuit in analysi, familiam Iacobi in quatuor ordines quasi turmas distributam, paulo aliter, quam supra cap. 33. in occurso Esau. Ibi in prima turma Iacob collocabat ancillas matres cum suis filiis. In media Leam vxorem cum suis. In tertia Rachelem Dominam cum suo Iosepho. Hic Moses in primo ordine recenset filios & nepotes ex Leah numero 33. (versibus 8.) Secundo, filios & nepotes ex Zilpah ancilla Leæ: numero 16. (versibus 3.) Tertio, filios & nepotes ex Rachel, quam

solam vocat vxorem κατ' ιξοχω, tanquam solam legitime nuptam & charissimam: numero 14. (vers. 19. 20. 21. 22.) Quarto denique filios & nepotes ex Bilha ancilla Rachelis, numero 7. (vers. 13. 24. 25.) Postremo omnes collegit in summam bifariam: primum sexaginta sex: deinde septuaginta (v. 26 27.)

Commentatores circa singulos prope ordines mouerunt scrupulos varios, qui reuera nulli sunt. Difficultatem auxerunt LXX. interpretes Græci, qui vel ipsi, vel librarii post eos, in tertio ordine assuerunt quinque Iosephi nepotes: & summam fecerunt capitum septuaginta quinque, quæ summa etiam legitur in concione Stephani, Actorum 7. versicul. 14. Nos primo Catalogum, ut est in Hebraica veritate, planum faciemus: